



LEMBAGA PELABUHAN KELANG

Beg Berkunci 202, Jalan Pelabuhan Utara, 42005 Pelabuhan Klang, Selangor
Tel: 03-3168 8211 Faks: 03-3168 8228

KENYATAAN AKHBAR

21 JANUARI 2020

LEMBAGA PELABUHAN KELANG SEDIAKAN PARKIR PERCUMA UNTUK PENGUNJUNG PULAU KETAM SEMENA PERAYAAN TAHUN BARU CINA 2020

Sambutan perayaan Tahun Baru Cina yang bakal tiba menyasarkan peningkatan jumlah pelawat ke Pulau Ketam. Pengunjung memilih Pulau Ketam sebagai destinasi percutian dan sebahagian besarnya pulang ke kampung halaman meraikan Tahun Baru bersama-sama keluarga dan rakan handai. Jeti Penumpang Pelabuhan Selatan di Pelabuhan Klang menawarkan perkhidmatan feri terus ke Pulau Ketam. Kemudahan terminal dan jeti disediakan oleh Lembaga Pelabuhan Kelang dengan kerjasama Bebas Dinamik Sdn. Bhd.

Lazim berlaku pada tahun-tahun yang lalu, ruang letak kereta yang terhad di sekitar jeti menyebabkan pelawat sering meletak kenderaan mereka di sepanjang bahu jalan utama yang mengakibatkan kesesakan lalu lintas dan kerosakan kenderaan. Dalam usaha untuk mengatasi masalah tersebut, sejak tahun 2017, Lembaga Pelabuhan Kelang telah mengambil pendekatan proaktif dengan menyediakan kawasan tambahan parkir kereta di sekeliling tanah kosong milik LPK sekitar kawasan berhampiran jeti.

Pada tahun ini, sebagai sebahagian dari inisiatif Tanggungjawab Sosial Korporat (CSR), LPK akan menyediakan ruang parkir di tanah kosong sekitar 10 minit dari jeti untuk tempoh dari 23 Januari hingga 29 Januari 2020 secara percuma. Kawasan ini juga akan diselia oleh petugas letak kereta dan lampu akan dinyalakan pada waktu malam sebagai langkah keselamatan.

Namun begitu, LPK tidak akan bertanggungjawab terhadap sebarang kerosakan atau kehilangan yang berlaku dan semua pemilik kenderaan diminta mengambil langkah berjaga-jaga semasa menggunakan kemudahan ini. Maklumat arah untuk ke kawasan parkir akan dipapar pada papan tanda dan *banner*.

LPK berharap pelawat akan memanfaatkan kemudahan yang disediakan dan menikmati percutian mereka di Pulau Ketam tanpa perlu risau tentang keselamatan kenderaan mereka.



**JABATAN KOMUNIKASI KORPORAT,
LEMBAGA PELABUHAN KELANG**
Tel : 03 – 3168 8211
Emel : commercial@pka.gov.my

----- TAMAT -----